

SCRIPT OF EVENING GOJRI NEWS BULLETIN 12DEC 2025  
1700HRS

ایوننگ گوجری نیوز بولیٹن 12 دسمبر 2025

\*\*\*\*\*

یوہ آکاشوانی جموں بے محمد صفیر تے نصرت چودھری نیں خبر سُنو۔

\*\*\*\*\*

HEADLINES

- ۱۔ لیفٹیننٹ گورنر منوج سنہا نے جنرل زور اور سنگھ نانہہ اُن غا یوم شہادت گا موقع ور خراج عقیدت پیش کرتا وان کہیو کہ جنرل زور اور سنگھ غو نظریو نسلان گا جزبہ بیدار کرگے مشترکہ مقصد آلی بکھی لے جے۔
- ۲۔ ریلوے نے اج تیں نویں دلی تے کترہ بشکار خصوصی ایکسپریس ریل گڈی تے دلی ادھمپور بشکار خصوصی وندے بھارت ریل گڈی چلان گو فیصلو کیو بے۔
- ۳۔ یونین پبلک سروس کمیشن نے جسمانی طور ور معزور اُمیدواران نانہہ اُن غی مرضی غو امتحانی مرکز فراہم کرن غی یقین دہانی کی بے۔
- ۴۔ حکومت نے بلدیاتی اداران نانہہ حکم دتو بے جے وے اسکولان اسپتالان تے اسٹیٹیم نانہہ آوارہ گُٹان تیں محفوظ بناویں۔
- ۵۔ جموں کشمیر مانہہ آئیندہ 2 ہفتان مانہہ موسم ابرآلود ہون غے نال نال ہلکی برف باری تے تھند غی پیشن گوئی بے۔

\*\*\*\*\*

LG GEN ZORAWAR

لیفٹیننٹ گورنر منوج سنہا نے اج جموں کشمیر ایکس سروس لیگ جموں غی طرفوں منعقد پروگرام مانہہ جنرل زوراور سنگھ گا یوم شہادت گا موقع ور اُنہاں نانہہ شاندار خراج عقیدت پیش کیو۔ اس موقع ور بولتا وان اُنہاں نے اظہار کیو جے جنرل زور اور سنگھ گی قربانی نے نسلان نانہہ متاثر کیو بے تے ہم نانہہ اُن گا اخلاقی قدران مشترکہ سوچ بہتر مستقبل گا پختہ یقین تے محروم طبقان نانہہ باختیار بنان گا نظریہ نانہہ اپنانو چاہیے ایل جی موصوف نے مزید کہیو جے زندگی مانہہ مثبت تبدیلی لیان واسطے اپنا آپ نانہہ وقت کریں تانجے اک منصفانہ تے پُرامن سماج گی تعمیر نانہہ یقینی بنايو جاسکے اُنہاں نے مزید اس طرح کہیو۔ اس موقع ور موجود ریا کلوریہ جہڑی جنرل زور اور گا خاندان غی 6ویں پیڑی ہیں اُنہاں نے اس دن غی اہمیت نانہہ اُجاگر کرتا وان اس طرح کہیو۔

\*\*\*\*\*

SPECIAL TRAIN

مسافران غی آؤ جائی نانہہ آرام دہ بنان گا سلسلہ مانہہ بھارتی ریلوے نے نویں دلی تے ماتا ویشنو دیوی کترہ بشکار دو مخصوص ایکسپریس ریل گڈی چلان غو فیصلو کیو بے اس سلسلہ مانہہ ریل گڈی نمبر 04081 اج رات 11 بجے غے 45 منٹ ور نوی دلی ریلوے سٹیشن تیں روانہ وے غی تے پلک 12 بجے کترہ ریلوے اسٹیشن پُجے غی۔ ایان کترہ تیں ریل گڈی نمبر 04082 پلک رات 9 بجے غے 20 منٹ ور دلی واسطے روانہ ہو غے پرسوں سویرے 10 بجے نویں دلی پُجے جے غی۔ یاد رہ جے ہوائی پرواز غی منسوخی غی وجہ تیں مسافران غو سفر آسان بنان

واسطے بھارتی ریلوے نے آج تین آئندہ 14 دسمبر تک خصوصی وندے بھارت ریل گڈی گو وی انتظام کیو ہے جھڑی نوپن دلی تین ادھمپور بشکار چلے گی۔

\*\*\*\*\*

## UPSC PWBD CANDIDATES

یونین پبلک سروس کمیشن نے امتحانات نانہ جسمانی طور ور معزور افراد واسطے مزید قابل پہنچ بنايو ہے یاد رہ جے ہن کمیشن اس گل نانہ یقینی بناوے گو کہ معزور امیدواران نانہ امتحانی مرکز ان گا درخواست فارم ور درج ہی دتو جے۔ اس سلسلہ مانہ کمیشن پہلاں تمام امیدواران واسطے متعلقہ مرکز یقینی بنان تین بعد معزور امیدواران واسطے اضافی گنجائش رکھی جے گی تانجے ان نانہ مزی گو مرکز فراہم کرایو جاسکے تے اس قسم گو کوئی وی امیدوار امتحان مانہ حصو لین تین پچھے نہ رے۔

\*\*\*\*\*

## SIA DODA

ریاستی تحقیقاتی ایجنسی جموں نے ضلع ڈوڈہ مانہ پاکستان مانہ مقیم پاکستانی دہشت گرد تنظیم حزب المجاہدین گا دہشت گرد زاہد حسین گی ایک غیر منقولہ جائیداد نانہ ضبط کرلیو ہے عدالتی احکامات ور عمل کرتا واں ایس آئی اے نے منگوٹا گراں مانہ 1.16 کنال ابائی زمین گی نشانندی تے تصدیق کرغے اس نانہ منسلک کیو مرمت گا بیہوٹ مانہ رہن آلا حسین ور الزم ہے کہ وہ پاکستان تین سماجی میڈیا غے ذریعے جموں کشمیر گا نوجوانان نانہ بنیاد پرست بنان تے پھرتی کرن واسطے کم کررہیو ہے حکام نے کہیو ہے کہ اس کاروائی گو مقصد دہشت گردی گا نیٹ ورک نانہ کمزور کرنو تے خطہ مانہ ان گا امدادی سسٹم نانہ درم برم کرنو ہے۔

\*\*\*\*\*

## JK STRAY DOGS

جموں کشمیر مانہ رہائش تے شہری ترقی غا محکمہ نے تمام شہری مقامی اداران نانہ ہدایت دتی کہ وہ دو ہفتاں غے ادر سکولان، اسپتالان، سٹیڈیم تے آمدرفت مقامات غو نقشو تیار کری تے ان جگہاں نانہ آوارہ کتاں تین محفوظ کریں۔ آکاشوانی جموں غا نمائندہ غے مطابق مقامی اداران نانہ ہر ترے مہیناں تین بعد جانچ کرنی وے گی تے نس بندی غے ذریعے آوارہ کتاں نانہ ختم کرنو وے غو۔ حکم نامہ مانہ کہیو گیو ہے کہ اداران غا کول کال حفاظتی دیوار، دروازہ تے دیگر حفاظتی انتظامات ہونا چاہیے۔ ضلع مجسٹریٹ ہر 15 دنان مانہ کم غی نگرانی کریں غا تے بلدیاتی حکام نانہ یوہ یقینی بنانو ہے کہ اداران غے قریب آوارہ کتاں غا ٹھکانہ نہ وین جسراں کہ سپریم کورٹ غی ہدایت مانہ کہیو گیو ہے۔

\*\*\*\*\*

## DODA ACCIDENT

نالہ غا مقام ور اک Jhinhini ناکہ غے قریب Thahalla ضلع ڈوڈہ مانہ آج سویرے سڑک حادثہ مانہ ایک شخص غی موت تے 3 دیگر افراد زخمی ہویا ہیں یوہ حادثو اس ویلے پیش آیو جد اک الکزار کار سڑک تی تلک غے ڈنگی کھائی مانہ جا پئی۔ مقامی لوکاں تے پولیس نے جائے حادثہ ور پُج غے زخمیاں نانہ علاج و

معالجہ واسطے اسپتال پُجایو۔ اس سلسلہ مانہہ پولیس اسٹیشن مانہہ معاملو وی درج کیو گیو ہے۔ تے حادثہ غی چہان بین جاری ہے۔ اس حادثہ بارے تفصیلاً جانکاری دستاں پولیس افسر تے اک مقامی شخص نے اس طرح کہیو۔

\*\*\*\*\*

## FOOD SAFETY RAMBAN

خوارک غی حفاظت بارے محکمہ رام بن نے کئی شراب غی دکاناں گو معائنو کیو تانجے اس گل غو جائیزو لیو جاسکے کہ اُت معیار غے مطابق تے خوارک غی حفاظت غا قانون ور عمل کیو جاریو ہے یا نی، معائنہ غے دوران ٹیم نے بڑا احتیاطی طور ور بکھ بکھ سامان غی جانچ کی تانجے اس گل نانہہ یقینی بناویو جاسکے کہ جہڑو سامان پیچیو جاریو ہے وہ معیار غے مطابق وے اُنہاں نے سامان غا ریکارڈ غی جانچ کی تے کم کرن آلاں غی تربیت دیکھی اس تیں علاوہ دکاناں غی صفائی ستھرائی دیوار فرس تے سامان رکھن آلی جگہ غی وی جانچ کی گئی جس نانہہ صاف رکھنو ضروری ہے آکاشوانی غا خیراں آلا شعوبہ سنگ گل کرتا واں خوارک غی حفاظت بارے افسر رامین تیں بلیر سنگھ نے اس طرح کہیو۔

\*\*\*\*\*

## WEATHER

محکمہ موسمیات نے جموں کشمیر واسطے نوا موسم غو حال جاری کیو ہے آن آلا 2 ہفتاں مانہہ زیادہ تر بادل چھایا رین غا امکان ہیں 13 تے 17 دسمبر نانہہ موسم جُز وی طور ور ابرآلود رہ غوتے شمالی کشمیر غا اُچا علاقاں مانہہ ہلکی برف باری ہوسکے خاص طور ور رات تے سویرے غے وقت 20 تے 21 دسمبر نانہہ گُجھ مقامات ور ہلکی بارش تے برف باری ہوسکے۔ کئی علاقاں مانہہ ہلکی تھند ہون غا امکان ہیں۔

\*\*\*\*\*

## JKP SPORTS FELICIATION

جموں کشمیر پولیس نے جموں مانہہ ایک تقریب غے دوران جموں کشمیر ڈیف کرکٹ ٹیم تے پیرا جوڈو میڈالسٹ غا کھیڈاریاں نانہہ اعزاز تیں نوازیو۔ ڈی جی پی نلین پرہات تے دیگر افسراں نے کھیڈاریاں تے کوچز غی محنت تے شاندار کارکردگی غی تعریف کی کھیڈاریاں، کوچز تے مددگار عملہ نانہہ یاد گاری تحفہ دتا گیا ڈی جی پی نے ملاقات غے دوران مستقبل واسطے نیک خواہشات غو اظہار کیو۔

\*\*\*\*\*